

Yanggen på'go i uttimo na
ha'âni gi lina'la-mu, para hâfa
na lugat para un hânao?
Langhet pat Infiernu?

Lao jamyo ti intingo jafa ujuyong gui agupa.
Para hafa i lina'la'-mu? Pareja y asgon, ni y
mafajuyong un didide na tiempo, ya despues
mapos mapos. Santiago 4:14



Guaha kuarto na minagahet ni' debi di ta komprende kabales:

1. Si Yu'os ha guaiya hao.

Malago' Gui' na un gai lina'la' taihinekkok gi langit yan Guiya.

Sa taegüenao na jaguaeya si Yuus y tano, janae ni linilisja Lajiña y para todo ayo y jumonggue güe, ti siña malingo, ya guaja linâlâña na taejinecog. Juan 3:16

Malago' gui' na u guaha abundansia yan siknifikasion na lina'la'-mu yan Guiya.

Y saque ti umamaela yaguin ti para ufañaque yan ufamuno, yan uyulang. guajo mamaela para uguaja linâlâñija yan para uguaja y dangculo na linâlâñija. Juan 10:10

Maseha taiguini, meggai na taotao ti ma ekspirensia un lina'la' ni' gai siknifikasion yan ti siguru kao guaha taihinekkok na lina'la'-ñiha sa'...

2. I taotao isao gi naturât-ña. Pot enao na mana'suha gue' yan si Yu'os.

Todu manma'isao.

Sa' todum manisao, ya manmalingu ginin i glorian Yu'us;

Roma 3:23

Sa' i guinaiyan salape' i rasan todum i tailayi... 1 Timoteo 6:10

I apas i isao i finatai.

Sa' i apas i isao i finatai... Romans 6:23

I Biblia ha espisifikuyi dos na klasin finatai:

- Finatai fisikât

Ya esta ma'ayek para i taotao siha para u fanmatai un biâhi, lao despues di este i husga: Hebrews 9:27

- I finatai espirituât pat i taihinekkok na inadilanto ginen as Yu'os gi i sakkan

Lao y manmaañaño, yan y ti manmanjonggue, yan y chatliionija, yan y manpegno, yan y manáplacha, yan y mancacana, yan y manádodora ni y idolos, yan todo y manmandadague, ufangaegue gui jagoe ni y mañuñule guafe yan asufre: ya este y segundo na finatae. Apocalipsis 21:8

Yanggen mana'suha i taotao ginen as Yu'os put i isao-ña, hafa i satbasion para este na problema? Sesso ta alok na i satbasion este: relihion, mauleg na chocho`, yan mauleg na modun linala`. Lao unu ha' na satbasion guaha ginen as Yu'os.

3. Si Jesukristo ha' i chalan para i langet.

Estague' i deklarasion Yu'os.

Ylegña nu güiya si Jesus: Guajo y chalan, yan y minagajet, yan y linâlâ. Taya malag y tata, yaguin ti pot guajo. Juan 14:6

Ha na'i hit todû i kastigu put i isao-ta siha.

Sa' si Kristo lokkue' ha padesi un biâhi put i isao-ña, i manunas put i ti manhusto, para u na'fanmatai hit gi as Yu'os, ya ma punu' hit gi tataotao, lao ha na'fanlâ'la' hit ni' espiritu:

1 Peter 3:18

Guiya nai guaha satbasion-ta ginen i haga'-ña, i mina'ase' i isao-ta, sigun ginen i riku na grasiâ-ña; Efesios 1:7

Guiya guaha prumesan lina'la' taihinekkok.

Y jumonggue y lajiña guaja taejinecog na linâlâ. Ya y ti manjonggue y lajiña, ti ulie linâlâ; lao y binibon Yuus gaegue gui jiloa. Juan 3:36

Sa' i apas i isao i finatai; lăo i nina'in Yu'us, Guiya taihinekkuk na lina'la' ginin as Jesukristo i Sainan-ta. Roma 6:23

4. Ta nisisita na ta hongge si Jesukristo para ta fanma satba. I satbasion-ta ginen i grasian Yu'os ginen i hinengge-ta as Jesukristo.

Sa pot y grasia na manmasatba jamyo pot y jinenggue; ya ti guinin jamyoja: este ninaen Yuus: ti guinin y checho sija.

Efesios 2:8-9

Sa jayeja y umagang y naan y Señot, siempre satbo.

Roma 10:13

Tinayuyot i Manisao

Fanmanayuyut este yan hinengge:

Saina Jesus, meggai na si yu'os ma'åse' sa' un guaiya yu'. Hu konfesa na isao yu' ya hu gagagao i mina'ase'-mu. Si Yu'os ma'åse' put i finatai-mu gi kilu'os, i ma'a'atan-mu, yan i risureksion-mu para un na'i todú i isao-ku siha. Hu konfi'a hao komu i Saina-hu yan i Satbadot-hu. Hu akseptá i rigalu-mu ni taihinekkok na lina'la' ya hu entrega i lina'la'-hu giya hagu. Ayuda yo' para bai hu osge todú i tinago'-mu ya bai hu na'magof yu' gi me'na-mu. Amen.

Yanggen un konfi'a si Jesukristo, esti siha manmasusedi giya hagu:

- Pã'go, guaha lina'la'-mu yan si Yu'os.

Ya este y minalagoña, na todo ayo y jalie y Lajiña ya jinenggue guiya güiya, uguaja linâlâña taejinecog. Juan 6:40

- Todú i isao-mu manma'apasi yan manma'asi'i.

(manmaloffan, pã'go, mamaila')

Lão esti na tãotão ha ufresi un sakrifisiu para todú i tiempo, mata'chong gi agapa' Yu'us; Hebreo 10:12

- Un nuebu na fina'tinas hamyo gi me'nan Yu'os. Guiya i tutuhon i nuebu na lina'la-mu.

Pues, yanggen guaha taotao ni' gaige gi as Kristo, guiya un nuebu na kriatura: i antigu na kosas siha manmalofan; estagüeja todo y güinaja mannuebo. 2 Corinto 5:17

- Ha bira gui' tatte gi famagu'on Yu'os.

Lao todú i rumesibe Gui', ha na'i siha nina'siña para u fanma'famaguon Yu'os, ayu siha i manmanhongge gi na'an-ña: John 1:12

I maolek na cho'cho' ahe' ti manera para hita manma'ayuda, lao prueba pat frutan i satbasion-ta.

Sa' hita i fina'tinas-ña, ni' mafa'tinas gi as Jesukristo para i maolek na cho'cho', ni' esta ha tinancho si Yu'os antes di ta cho'gue para ta cho'gue. Efesios 2:10

Si yu'os un binendisi!